

楊襄毅公本兵疏議

楊襄毅公本兵疏議卷之十六

覆雲南巡按御史王諍勘明叛賊李向陽功賞疏
少保兼太子太保兵部尚書臣楊燾等謹

題為仰仗

天威勦平夷寇地之寧謐事職方清吏司案呈奉本部送
兵科抄出巡按雲南監察御史王諍題奉

聖旨兵部知道欽此欽遵抄出送司案呈到部看得巡按
雲南監察御史王諍題稱叛賊李向陽及賊徒者索
撒魯頗等撲滅俱盡及稱叅議盧以疑僉事胡庭蘭
所當特加超擢兵備僉事蕭鳴邦所當積資擢用迺

西守備金堂原任都指揮潘雄所屬錄用巡東守備
李九霄功過相準露平守備龐繼先功績無聞旗牌
官李宗培馬應龍鍾應鳴所當犒賞百戶徐高戴廷
惠等所當姑容指揮胡大賓袁位段彬趙國相千戶
鄧惟揚方永爵諸愛百戶劉萬鍾張廷美指揮王存
孝冠帶總旗舒言均當擢用推官趙龍知州周一鳳
典史劉堯明亦各効勞土官鳳慶林祿紹先者濬均
當獎賞土官縣丞王一心土舍福應宗相應准贖知
州容學周所當調簡指揮郭振千百戶江漢陳大策
范舉等均當提問巡撫右都御史呂光

大樹偉績所宜錄總兵官黔國公沐朝弼襲有由
起功會適成仍當獎賚各一節除巡按雖有調度之
功例不該敘外如照雲南地方遠在萬里之外極其
孤懸乃今群逆蜂起禍結兵連若非巡撫都御史呂
光洵發謀出慮勤中機宜西南重鎮幾致搖動掃蕩
之功委難輕泯細思兵官沐朝弼其譽由已而作其功
因人而成得不謂其失始迷終悟但係節鉞重臣當存
體貌以示觀瞻至於一時效勞人員既該巡按御史
王諱一併甄別日題前來係于激勸相應通行依擬
合候

命下將呂光洵優加陞賞沐朝弼特加賞賚盧岐凝胡庭
蘭各重加陞賞龔鳴邦趙龍周一鳳劉堯明各量加
陞賞容學周移容吏部量調簡僻地方金堂潘雄胡
大賓袁位段彬松也國相鄧惟揚方承爵諸愛劉萬鍾
張廷美王存孝各部附記在簿酌量推用舒言李宗
培馬應龍鍾應麟兩鳳索林祿紹先者濬俱聽巡撫衙
門動支官銀徑給獎賞李九霄免其究問徐高戴廷
惠等容令供職工二心祿應宗准其贖罪龐繼先並
任回衛閑住員以推補郭振陳大策江漢范舉等移
咨都察院轉行處巡按御史通提到官問擬具奏

嘉靖四十四年四月二十六日題奉

聖旨是這西南重鎮既已底寧呂光洵陞兵部尚書兼都察院右都御史照舊巡撫地方沐朝弼准贖罪還賞銀三十兩紵絲二表裡盧岐嶷陞二級蕭鳴邦等各一級胡庭蘭已開住賞銀二十兩郭振宇着巡按御史提問具奏欽此

覆四川巡按御史鄭洛申飭三省撫臣夾勦疏題為積惡土寇貽患地方乞 賜勅除無議善後以伸國法以禪安攘事職方清吏司案呈奉本部送兵科抄出巡按四川監察御史鄭洛題奉

聖上兵部看了來說欽此欽遵抄出送司卷查嘉靖四十三年九月內該巡撫四川都御史谷中虛題為查勘土夷讐殺事內稱土寇黃中占據山寨流劫奉雲萬三縣地方節據萬縣民杜顯石硃宣撫司舍人馬斗斛等奏行撫按衙門會勘俱行荆南川東各道督同兩省委官守催指揮童養廉等拘押黃中從公勘問如不聽撫勘仍復聚劫另行擒勦施州守備鍾曉指揮童養廉黨惡玩寇以致殃民另行查叅等因到部隨該本部備行四川湖廣撫按衙門務將該犯黃中多方緝獲勘問回奏如有主使容縱不聽撫勘一面

將鍾曉等卷應作速查叅一面即督各處勁兵相機
擒剿去後今該前因查呈到部看得巡按四川監察
御史鄭洛題稱土寇黃中占據支羅山寨殺虜千家
流毒三縣又與賊犯覃正秀等號為三寨相倚稱雄
在建始縣民向述黃潮與施南土司覃諒覃寧爭田
雙殺疊疊端未已乞要轉行四川湖廣撫臣并貴州兼
制湖北川東都御史切責該道親詣地方協謀酌處
事寧之日并將近年監生申潮所奏及節年建白經
理事宜速為會議各一節為照土寇黃中兇悍之狀
昭昭在人耳目無容細論止因川湖二省自分彼此

而湖廣諸道號延之情更屬可惡即今湖廣巡撫都御史谷中虛入任四川其知夷情四川巡撫都御史劉自強初至四川方脩撫政以故巡按御史鄭洛特有此奏地方重計全在得人審時度勢殊不容緩相應亟為議擬合候

命下本部馬上差人移文交與四川巡撫劉自強湖廣巡撫谷中虛貴州巡撫兼制湖北川東吳維嶽會同各該巡按御史嚴行守巡兵備各道叅守等官各提重兵親詣隣近地方將黃中責令指揮並養廉等親賊寨諭以利害務將本犯縛出送官遠法事情錄

體勘應賠償事從公追陪應問發者依律問擬仍曉

示一應賜從土司夷人今次姑置勿論以後各宜安

分樂業保守自家毋得怙終不悛自干誅戮如果黃

中及諸土人等仍前冥頑即便分遣兵將協力勦除

大抵此舉書巡撫與該道之責必須示以必勦徐

從撫處方足以重兵明示彈壓方能奪氣各

該承委人員如有踵習夙弊觀望怠緩致失機宜者

先行指名叅論事寧之日聽巡按御史將一應有功

有罪人員分別具奏其地方一切善後事宜三省撫

按拘集施州清江源奉萬等處耆民將監生申潮陳奏

及節年建自累件通行會議要見某縣今該改併某縣今該仍舊某處應設某官某官應轄某處從長計處務求民情天俗兩不相妨會本具奏以憑優議定奉嘉靖四十四年四月二十七日題奉

聖旨是這地方賊順着各該巡撫都御史協心督率所屬共圖平靖不許仍前推調承委人員但有觀望怠玩的即便指名叅奏處治欽此

奉 旨切責宣大山西三鎮撫臣戴罪修邊疏

題為預飭重鎮春防亟行脩守事職方清吏司案呈奉本部送兵科抄出巡撫宣府等處地方管理軍務都

察院右僉都御史 李秋題奉

聖旨這條理墩堡原為預飭春防如何正月奉旨到今四月將終方行奏報顯是巡撫等官不以邊務為念兵部叅看來說欽此欽遵抄出到部送司案呈到部看得巡撫宣府都御史李秋佑勘過宣府鎮城并五路衝險處所各項應脩築城堡墩臺工程支給口糧鹽菜工料銀兩共該三萬九千二百有奇及民力自脩量加犒賞等費乞要早賜解發着令各道叅守掌印等官上緊興脩務要刻期報完及稱板搭峪堡係北路咽喉之地該道議要添設官兵并乞覆議及奉

旨叅者一節為照前項邊工本部正月即行具題專為防
春該鎮四月方行回奏已將仲夏遲緩之罪委屬難
辭叅照巡撫宣府等處地方贊理軍務都察院右僉
都御史李秋等五路相去不遠即使悉心勘議不過
兩旬之間九重封旨甚嚴乃敢任意稽延至於三
月之外職守既空制虧情法自難輕貸至於承委守
巡兵備等官誤事之罪更當究治合候

命下將李秋并承行司
不必泥於舊例三
萬兩戶部發銀二
兩共四萬兩各差官解赴巡撫

衙門查照工程大小地勢衝緩責令各該兵備守巡等道及叅守掌印等官各照派定區路上緊脩築大略定以三限先儘極衝後及次衝最後方及稍衝務在秋防以前通行完報其工必須堅固牢實足堪保障不得苟且因仍空為糜費總督江東巡撫李秋仍不時巡歷親行督察以別勤惰各該監督司道大小將領果有怠緩之尤者先行指名叅奏自脩墩堡軍民合用犒賞銀兩聽江東李秋徑自酌量動支犒賞大堡選擇行止端正無少信服者一人立為守堡官名色給與冠帶令其鈐束堡人不時脩守果有軍功

一體錄敘小堡亦擇一人立為堡長名色准給與方
巾青衣如州縣里老之例工完之日通聽巡按御史
逐一覈勘明實分別日奏其板搭堡添設官兵控扼
要路亦聽江東李秋卿自酌量添守施行及照大同
山西二鎮至今尚未奏到罪與宣府相同但山西巡
撫侍郎萬恭到任日必合無將大同巡撫張邦彥并
大同山西經該守巡司道等官一體住俸萬恭姑行
戒諭嘉靖四十四年五月初一日題奉

聖旨是這各官怠緩邊務本當重究但念秋防在邇李秋
等張邦彥等都着住了俸上緊幹理如仍違慢及或虛

文憲貴作部裏并該科即使然奏處治萬公既任淺着
策勵供職欽此

奉 旨酌議報捷人員陞賞疏

題為恭報捷音事職方清吏司案呈奉本部送近該延
綏寧夏奏報北虜捷音該本部議擬復題奉

聖旨是郭乾賞銀四十兩紵絲二表裡趙奇胡志燕各三
十兩二表裡吳鼎王崇古各二十兩二表裡功次着巡
撫御史上緊勘報近來奏捷官陞賞太濫你每還查議
來說欽此欽遵抄捧送司查得

大明會典內一款一報捷官舍人等以擒斬虜賊多寡為

等第七十名顆以上賞衣服一套九十五名顆以上
賞鈔一千貫陞一級一百一十名顆以上賞衣服一
套陞試所鎮撫別種賊寇逾加女直三倍番賊苗蠻
六倍反賊十倍欽此查呈到部臣等遵奉

明旨議得功宜惟重固不可恡惜以失酬報之典賞當其
功亦不宜冒濫以開僥倖之端即如報捷人員計其
功次之名顆雖若相同較其賊勢之難易原非一律
以故本部臨時斟酌在總督鎮巡等亦多止賞資而
報捷人員却仍照例陞級輕重失倫亦不足以示勸
令無以後南北奏捷到部聽臣等先為功次定擬總

督鎮巡等官陞賞然後以陞賞厚薄徐論報捷者之功且如一百一十名顆以上總督鎮巡等官或陞或廕報捷者照例陞以鎮撫賞衣服一套若使總督鎮巡等官止於賞資報捷者亦止賞衣服不許陞級庶幾權始得中賞不至僭仰乞

聖明俯賜裁定

勅下遵行嘉靖四十四年五月初二日題奉

聖旨是欽此

覆浙江鳳陽等處撫臣哨報倭警通行隄備疏
題為哨報海洋賊舡事職方清吏司案呈奉本部送准

提督軍務巡撫浙江地方都察院右副都御史劉畿
揭帖前事又該總督漕運兼提督軍務巡撫鳳陽等
處地方戶部右侍郎兼都察院右僉都御史王廷揭
為飛報倭情事等因通送到司案呈到部看得前項
倭寇在浙江者雖稱出海拒之不得登岸在江北者
雖稱分兵勦之務期盡絕但惟四月五月正當春汛
之期今乃二處警報先後俱至據其見在之數似若
不多察其糾合之形其勢必衆江南與江北唇齒相
關廣東與福建輔車相倚大率一水之間出此入彼
原無限隔必須通行嚴備方保萬全合候

命下本部馬上差人移文鳳陽巡撫王廷副總兵王應麟

督率將兵先將登岸之倭作速勦捕務使一人不留

片帆不返方為上策一面分行江南巡撫周如斗副

總兵郭成浙江巡撫劉畿總兵官劉顯兩廣提督吳

桂芳總兵官吳繼爵福建巡撫汪道昆總兵官戚繼

光各差的當兵舡各於海洋遠哨仍多布兵舡於緊

要海島但有踪跡即使相機邀擊拒之於海比之拒

之於陸者事半功倍全在諸臣加意整頓以挫賊鋒

浙江寧波尤倭酋密邇之地欲得其情全在浙江哨

探以後劉畿劉顯但有哨到倭情一面具奏一面馳

報江南江北廣東福建四處令其及早隄備不得自
分彼此致悞事機嘉靖四十四年五月初三日題奉
聖上是這倭寇着王廷等嚴督將兵作速勦捕仍行浙直
閩廣鎮巡等官各相機戰守協力夾攻如或怠違悞事
重治不宥欽此

覆巡撫山西侍郎萬恭議修沿河墩牆及鄰堡疏
題為查議脩復久廢邊防以永保治安事職方清吏司
案呈奉本部送兵科抄出提督鳳門等關撫巡撫山
西地方兵部左侍郎兼都察院右僉都御史萬恭題
奉

聖旨兵部看了來說欽此抄出送司案呈到部看得巡
山西侍郎萬恭其題前因大率欲於河邊險崖一
脩設墩牆四時防守老營遼東乃河一帶脩復墩堡
兩鎮聯禦及指摘各處利害區處合用夫糧各一節
為照山西河曲一帶密邇套虜先年打冰之議疎略
為甚大同乃河諸堡唇齒兩鎮近日棄而弗守血
不通但河牆工役係山西巡撫之事責既有定議即
可施行乃河地方係大同久廢之荒墟未經會同尚
當勘處既該本官具題前來相應通行議擬合候
命下一面移咨萬恭即將沿河險崖石門隘口等處照依

水東以前通行完報本部一面移咨總督江東巡撫
張邦彥會同萬恭各委司道親詣適中處所將乃河
左右舊有墩堡逐一踏勘隔別道理逐一丈量要見
某處宜脩築邊牆某處宜脩築墩堡某堡用銀若干
某軍應該何處備禦班軍應否撥用折糧銀兩應否
借支該衛屯田應否給軍承種該徵租稅應否照軍
派納逐一從長議處務使經久可行以盡協恭體

國之意文書到日限六月初旬具由回奏不得各生意

見自分彼此致悞防邊大計嘉靖四十四年五月初七日題奉

是這沿河墩牆着萬恭即便興工脩築乃河地方脩守事宜江東張邦彥會同萬恭依限勘處停當奏請不許遲悞欽此

覆宣大總督尚書江東等酌議板升歸正人疏

題為投降事職方清吏司案呈奉本部送兵科抄出總督宣大山西等處地方軍務兼理糧餉太子太保兵部尚書兼都察院左副都御史江東征西前將軍鎮守大同等處地方總兵官前軍都督府左都督姜應

熊巡撫大同地方贊理軍務都察院右僉都御史張
邦彥題俱奉

聖旨兵部知道欽此通抄送司案呈到部看得大同總督
鎮巡官江東姜應熊張邦彥等題稱板升李自馨等
欲要率衆投降一節臣等逐一叅詳守巡兵道熟計
虜情謂降亦擾不降亦擾擾亦防不擾亦防此數言
者誠為確論總督鎮巡逆料人言謂或歸咎於拒降
所致或借口於招降為媒或責備於區處無方此三
說者具見苦心大抵虜人求入我邊謂之投降漢人
復入我邊謂之歸正乃今李自馨等既以歸正而來

聖皇在上天覆地載元元赤子何忍拒之但其中情偏尚不可知此外機宜均難懸斷合候

命下移咨尚書江東嚴督總兵官姜應熊巡撫都御史張邦彥切不宜差人深入虜營以啓衅端止將李自馨善加安置靜以待之李自馨等如果率衆來歸即使細加譯審必須的係漢人方許入邊應該如何安插應該如何陞賞應該如何防範使宜處置者徑自處置請 旨處置者星馳會奏至於其虜雖幼男婦女一人一口不許輕易放入如果李自馨等別有阻碍不能即來置之不問惟當謹我邊備嘉靖四十四年

五月二十日題奉

聖上是欽此

覆蘇松撫按官周如斗等報三沙禦倭捷音疏

題為倭寇突犯海沙仰仗 天威官兵會勦全捷事職
方清史司案呈奉本部送兵科抄出總理糧儲提督
軍務兼巡撫應天等府都察院右僉都御史周如斗
巡按直隸監察御史溫如璋巡按直隸監察御史尹
校題為捷報斬獲倭舡首級事俱奉

聖旨兵部知道欽此欽遵通抄送司案呈到部看得巡撫
應天都御史周如斗巡按直隸監察御史溫如璋巡

江御史尹校各題稱本年四月十五日倭寇突犯三
沙等處地方分布官兵四面攻勦擒斬真倭首級一
百一十三名顆縱火焚燒倭舡奪獲被虜男婦夷器
倭衣等項在周如斗則稱御史溫如璋聞報宣猷調
遣兵將副使耿隨卿督調有方副總兵郭成身先士
卒叅將田應山都司邵應魁把總朱冕等協力攻勦
同知劉一麟督理有敘在溫如璋則稱副總兵郭成
斬獲大捷奇功可錄都司邵應魁擒斬數多功罪相
準把總曾勇等罪多功微仍宜重論各一節為照前
項倭奴適當春汛之月連踪突犯意欲乘我不備大

肆標掠地方文武官員乃能出奇制勝竟成大捷一時掃蕩之功殊可加尚既該撫按等官周如斗等具題前來係干激勸相應通行議擬合候

命下將郭成重加賞賚耿隨卿同加賞賚田應山朱冕量加賞賚其邵應魁曾勇等并一應獲功失事人員通咨都察院轉行彼處巡按御史嚴加查覈要見某該准贖某該錄敘某為首功某應重論分別等第造冊具奏及照巡撫都御史周如斗偶以公務不在夙有分布調度之勞假令失事自當責備其功臣等誠不敢略巡按御史溫璋偶以巡撫不在身任分布調

度之責雖有明例不許論功其勞臣等又不敢蔽
干 恩典均乞

聖裁嘉靖四十四年五月二十八日題奉

聖旨是郭成賞銀二十兩耿隨卿十五兩田應山朱冕各
十兩周如斗既夙有分布調度之勞溫如璋能代巡撫
任事各賞銀二十兩紵絲二表裡欽此

覆巡撫浙江都御史劉畿報定海禦倭捷音疏

題為恭報捷音事職方清吏司案呈奉本部送兵科抄
出提督軍務巡撫浙江地方都察院右副都御史劉
畿題奉

聖旨兵部知道欽此欽遵抄出送司卷查先該浙直撫按
都御史劉畿等題為哨報海洋賊舡事該本部覆奉
聖旨是這倭寇着王廷等嚴督將兵作速勦捕仍行浙直
閩廣鎮巡等官各相機戰守協力夾攻如或怠違悞事
重治不宥欽此已經通行欽遵去後今該前因案呈到
部看得提督軍務巡撫浙江都御史劉畿題稱本年
四月十五等日倭賊乘舡突犯隨被官兵堵阻南遁
人民安堵各一節為照前項倭奴乘此春汛之期倏
經往來如鬼如魅都御史劉畿總兵官劉顯乃能先
時有備臨事有方定海等處既首挫其鋒縣山等洋

又盡奪其餽一時擒斬之級奏
題前來係于激勸相應並獲功人員通行議擬合候
命下將劉畿劉顯先行厚加賞賚仍咨都察院轉行彼處
巡按御史從公體勘要見倭艇實有若干從何港口
進入官兵對敵有無殺傷斬獲倭首是否真正有無
隱匿別項失事情弊獲功效勞員役一併覈實分別
具奏嘉靖四十四年五月二十八日題奉

聖旨是劉畿劉顯各賞銀二十兩紵絲二表裡欽此
覆巡撫山西侍郎萬恭條陳三關事宜疏
題為條陳三關通變事宜以圖久安事職方清吏司案

呈奉本部送兵科抄出提督鴈門等關兼巡撫山西
地方兵部左侍郎兼都察院右叅都御史萬恭題奉
聖旨該部看了來說欽此欽遵抄出到部送司案呈到部
看得巡撫山西侍郎萬恭條陳八事均切三關要務
合就開立前件議擬上請定奪嘉靖四十四年五月
二十八日題奉

聖旨計處邊事須求有益這本內勾去一件你每既說是
實政還會同該科詳議具奏其餘依擬行欽此

一曰議聯絡大率謂九邊將領一遇虜犯束手旁觀
按兵坐視欲要通檄總督鎮巡司官來有帶虜大舉

消息左右境鎮不待調遣
以馬軍策應賊退之日
聽巡按御史覈實功罪本
四聯屬邊防之意但薊昌
二鎮腹心重地難與諸鎮
同論春秋兩防急緩不同
自當從長議處况遊擊

勅內原有應援隣境之文專制關外尤是總督軍門之任
合無斟酌所擬除薊昌二鎮不必應援外通行各邊
總督鎮巡衙門及各該大小衙門將領等官今後春
淺秋深如遇大虜侵犯消息各要嚴加哨探必須真
知本鎮絕無虜蹤方許先以少軍分布要害防禦本
境仍不待調遣總督官即行發巡官揀選精銳馬軍

敵擊如賊犯山西大同則應之於東延綏則應之於西如賊犯宣府北路東中二路各出奇兵援之推之各鎮各路莫不皆然賊退之日聽該鎮巡按御史分別功罪既不宜舍己之田以失本鎮之防亦不宜秦越之視以昧共濟之義遠者聽巡按御史指名奏治

一日議防守大率謂三關擺渡之軍其患在於邊長入寡賊萃我散以致往往不格欲要遵奉墩院之制因牆脩築墩院至於守墩即以牆脩墩即以脩牆脩時亦守守時亦脩此數言者

為確論今無恙

所擬從實舉行

一曰議勾充大率清勾軍士旋復逃亡欲要移文兩京各省清軍官員每三年一次清解不必僉發軍丁止追衣裝銀兩解赴布政司發邊召募土著頂名操備委為實政但恐相沿日久反致埋沒銀兩既無完解之益軍伍遂成廢弛之患係于兵制難以輕議合無聽本部仍照舊例轉行各該巡按御史嚴加清勾不許徒為文具

一日議接濟大率謂三關馬匹缺少數多欲將先年本部議開軍職犯該邊方立功納銀納馬贖罪并各

衛軍餘上納知印承差使典二欵事例照舊開納及
不許上銀止從本色以補各營急缺馬匹查得前項
事例先以停止但今山西三關兵荒之餘戰馬半耗
委當多方處補合無斟酌所擬行令巡撫萬恭再將
前例督行山西布政司出示該鎮再開三年止許照
例納銀貯庫相兼該鎮椿棚等銀分發守巡兵道陸
續收買臆壯馬匹驗印給軍限滿停止別省別鎮不
許援以為例

一曰議揀選大率欲將三關軍士分布上中下三等
給與馬匹器械以備選鋒列營城守之用查得揀選

軍士正是鎮巡之責今欲軍門嚴行將領無非慎重其事務求實效之意人無依共所擬移咨總督江東備行山西總兵等官趁今秋以前務將各營軍馬精加揀選照依等第分別操練以後不必定以五年為限每當春秋二防遇有老弱即便沙汰一如京營操中寓選選中寓操之意

一曰議招回大率謂頻年虜入內地搶去人口各懷故土祇被虜羈不能展脫欲要擴議賞格優錄招回之人及分別首首謀主併明我耳目等第查得先該總督尚書許論題該本部覆奉

欽依有能斬獲俺荅把都兒大頭兒首級來獻者封以伯爵賞銀一萬兩斬獲立富周原首級來獻者為首陞三級賞銀五十兩為從陞一級賞銀三十兩俱與萬恭所議相同合無申飭各邊總督鎮巡等官明諭沿邊大小將領不拘漢人虜人果能密切擒斬虜酋等項定照上等事例一體陞賞各該將領仍要加意招徠用心接引遂我人歸向之人散彼虜逼脇之黨方稱任使如或明肆阻攔或暗行戕殺俱聽督撫衙門輕則以軍法究處重則以刑置憲典以示後戒

又覆給事中周舜岳條議欽外禦覈首功疏

題為陳愚忠以備

聖明採擇事職方清吏司案呈奉本部送吏科抄出禮科
給事中周舜岳題奉

聖旨該部看了來說欽此抄出送司案呈到部看得禮科
給事中周舜岳條陳二事係干邊計合就開立前件
議擬上請定奪嘉靖四十四年六月初七日題奉

聖旨依議行欽此

一嚴外禦看得給事中周舜岳所陳大略謂近日海
防邊備法紀未屬以致寇至遷延內地劫掠欲要申
飭南北將官嚴加訓練防哨查得先為欽奉

聖諭事該本部條陳宣大各鎮以戰為守薊鎮地方以守為戰但使馬匹不能入關即為首功又為哨報海洋賊船事該本部覆議移文浙直福建兩廣等處多布兵船有警邀擊拒之於海比拒之於陸者事半功倍全在當事諸臣加意整頓以挫賊鋒俱經題奉

欽依通行欽遵去後查與給事中周舜岳所論大略相同合無依其所擬申飭南北沿海沿邊總督鎮巡等官查照先今議覆事理嚴行大小將領申嚴號令謹慎烽堠在沿海一帶出洋會哨務使倭奴片帆不得進港在沿邊一帶相機截勦務使醜虜匹馬不得入邊

雖無擒斬即准首功如或飄流奔散突犯隣境亦要
互相傳報提兵應接不得自分彼此致悞事機違者
悉聽各該巡按御史查叅重究

一覈首功看得給事中周舜岳所陳大略謂近日斬
獲倭虜首級及有名賊首曲折多端真偽莫辯欲要
後倭達為從之賞重衝堅陷陣之功并以行師遲速
後先以定功罪賞罰查得北方達賊功次止以強壯
幼小分別陞賞原無從達之例南方倭功近該給事
中張鳴瑞具題本部覆議務要分別難易以定陞賞
合無斟酌前議通將南功見勘到部者駁行各該巡

按御史逐一查勘要見某人所獲倭功為難該陞某人所獲倭功為易該賞并未勘到者亦照此例從實造冊奏繳至於摧鋒陷陣之功止可責之將領難以責之部曲若將領勇敢即以首功論之其餘軍衆仍照首級名數甄錄將領退却即以觀望罪之所部軍人仍得以親斬功級甄錄其一切草寇竊發務以平蕩之日為期方議陞賞不得比照倭虜首級濫奏捷音各該監督官員如有紀驗不實辯別不真致使功罪混淆者又在巡按官指名查叅以憑究治

議遼東陣亡叅將補衮等卹典疏

戰將官被傷身死乞 賜優錄以慰忠魂以勵
人心事職方清吏司案呈奉本部送兵科抄出巡按
山東監察御史李輔總督薊遼保定等處軍務兼理
糧餉兵部右侍郎兼都察院右僉都御史劉燾巡撫
遼東地方兼理軍務都察院右僉都御史張西銘
征虜前將軍鎮守遼東總兵官署都督同知佟登題
同前事俱奉

聖旨兵部知道欽此欽遵通抄送司案呈到部看得總督
劉遼軍務侍郎劉燾巡撫遼東都御史張西銘鎮守
前兵官佟登巡按山東監察御史李輔各題前因大

率謂本年三等月內大虜侵犯寧前鎮武二處地方
叅將線補袞遊擊楊維藩與賊對敵被傷身死緣由
巡撫張西銘等則稱遊擊楊維藩見危授命情極可
憫隨營守堡把總等官章承祖等同有死綏之忠御
史李輔則稱叅將線補袞奮勇血戰面中二矢當時
悶絕偶獲暫甦回營身故乞將本官與陣亡者一例
立廟祭贈陞廕遊擊楊維藩捐軀血戰援寡陣亡各
一節爲照叅將線補袞黃土臺之戰親斬酋首二人
遊擊楊維藩鎮武堡之圍手刃黠虜數輩地方保全
寔皆二將血戰之功內線補袞裹瘡極苦垂死復甦

身雖歿於回營之後忠寔奮於結纓之前委當與楊維藩出格褒恤以慰英魂係干激勸相應通行議擬合候

命下將線補袞楊維藩各贈都督僉事職銜應襲兒男各襲陞三級世襲仍立祠死所巡撫衙門仍各處給銀四十兩以備棺殮之資其誤事備禦等官苟麒等轉行彼處巡按御史通提到官依律問擬陣亡官軍章承祖等應該作何優恤有無隱匿重大失事干礙誤事人員一併覈勘明實造冊具奏嘉靖四十四年六月初七日題奉

聖旨是線補衮楊維藩各效忠血戰身殞可憫贈廕立祠等項俱依擬行苟麒等巡按御史提問具奏欽此

奉 旨會議勾補軍丁責成撫臣管理疏

題爲條陳三關通變事宜以圖久安事照得先該提督鴈門等關兼巡撫山西地方兵部左侍郎兼都察院右僉都御史萬恭題談本部覆奉

聖旨計處邊事須求有益這本內勾充一件你每既說是實政還會同該科詳議具奏其餘依擬行欽此臣等會同兵科都給事中邢守庭等議得各邊軍士自

國初以來編發罪發雖頭項不同均是募民以實塞下

之意歲月既深人情遂玩或厄於旱荒衣食不給或苦於培尅啟處弗遑老者以死壯者以逃遂致敵愾乏人捍禦就廢以故巡撫侍郎萬恭感時憤激有此衣裝銀兩之議但事必稽諸

國體方可經行政必愜於民情始能垂久臣等再三籌度似應仍以勾丁爲正即如山西一省州縣九十有奇每州每縣廨門偏頭寧武三關之軍多者六七百名少者不下四五百名通以五百名計之可得四萬餘名往時止令巡按御史帶管清補今若比照剌鎮兩關事例就令巡撫管理都臺嚴重令自易行人性

堅剛邊又得用軍士以衛所爲家父兄子弟在焉以
州縣爲老家族姓在焉關營之軍有缺先當於衛所
捉捕司其事者掌印指揮千戶之責若照薊鎮事例
定爲舉刺賞罰掌印指揮千戶自當悉心幹理不敢
違誤至於兩京各省仍當一體清理得一人則有一
人之用得十人則有十人之用要之不若整理本省
之軍尤爲便利合無備行萬恭督同布按二司清軍
官并守巡兵備道先將三關巡軍通行查明衛所有
丁者於衛所勾補衛所無丁者於州縣勾補年終補
將補過軍士造冊送部查考一面將州縣衛所掌印

官查其勾補有成并全不勾補者指名舉刺以憑旌
賞降罰以示激勸本部仍行兩京十三省巡按御史
將山西缺伍之軍各另嚴加清勾遠者限半年以裏
近者限三箇月以裏將解過軍士備細奏報以憑轉
行萬恭各查有無到邊從實回奏臣等遵奉

旨不敢不悉心計處以求有益但識見妍淺深切悚惶
伏乞

聖明俯賜裁定 勅下遵行臣等幸甚地方幸甚嘉靖四
十四年六月初八日題奉

聖旨是欽此

覆都給事中邢守庭等請戒諭邊臣實心任事疏
題爲秋防在邇懇乞

聖明嚴勅邊鎮文武重臣純心任事竭力圖報以靖疆圉
以保久安長治事職方清吏司案呈奉本部送兵科
抄出兵科都給事中邢守庭等題奉

聖旨該部看了來說欽此欽遵抄出送司案呈到部看得
兵科都給事中邢守庭等具題前因大率謂各邊文
武臣工近日之患有二一謂志於功名者弛節於晚
年一謂志於富貴者踰閑於小德欲要申飭九邊總
督鎮巡等官自今各要効力効謀任事任怨及

大山西近奉脩邊嚴旨爲喻凡有規畫必求實用
各一節爲照東南沿海一帶專爲備倭春汛急而秋
汛爲緩西北沿邊一帶專爲備虜春防緩而秋防爲
急自總督巡撫以至守巡兵備職司運籌自總兵副
總兵以至叅遊守備職司敵愾仰仗

聖皇在上威震八荒明見萬里在文臣果有才望雖資序
尚淺即置之開府之列勞則有賞功則有陞考滿又
別有賜蔭之典在武臣果有謀勇雖罪廢方及即授
以專閫之寄戰則有賞傷則有陞陣亡又特加優異
之恩一時諸臣輸忠圖報者固多其人而挾私廢公

者亦誠有之苟延歲月持祿保位是爲自暴之臣詐
爲沉痾求釋重負是爲自便之臣故與同儕因事忿
爭微罪而去是爲飾詐之臣過爲自汙明示狼藉終
身禁錮是爲懷奸之臣有一於此豈止不可以言純
德真不容於堯舜之世所據諛科具題前因清源正
本誠爲切要之論相應通行申飭以脩實政合候

命下本部備行南北各處總督鎮巡等官以後痛加循省
倘如諛科所言亟行改圖一切地方事務務要真心
實意任怨任勞不得避難推艱徒事玩愒違者在外
聽巡按御史在京聽科道及臣等指名參奏重加處

治及照事莫大於邊防亦莫急於邊防即如宣大山
西三鎮近奉 明旨各將應脩工程躬親督理漸有
次第但惟敏則有功固不可遲延以悞事誕則罔功
尤不宜草率以了事合無仍行邊臣各照原奉

勅內開載條件應舉行者徑自舉行應奏請者作速奏請
大小邊工必須牢實堅固足堪保障不許止以紙上
虛文重悞大計嘉靖四十四年六月十四日題奉
聖旨是今後各處總督鎮巡等官如有不實心任事及設
計規避的都著指名參奏拏來重治欽此

覆巡撫山西侍郎萬恭愷成沿邊有司收保及嚴

究失機將官疏

題爲專責戰守共圖保障事職方清吏司案呈奉本部
送兵科抄出提督鴈門等關兼巡撫山西地方兵部
左侍郎兼都察院右僉都御史萬恭題奉

聖旨兵部知道欽此抄出送司案呈到部看得巡撫山西
左侍郎萬恭具題前因大率有二其一欲將防守哨
探事宜責成府州縣衛所掌印巡捕官其二欲將失
事將領先行拘禁候

旨歸結蓋因虜警方入之時有司官員諉罪將領漫不經
心虜警既退之後任意逃匿不行正法所言痛切深

中一時之弊不止山西一鎮爲然九邊並不皆然
于邊計相應通行嚴飭合候

命下移咨宣大山西薊遼陝西各鎮總督鎮巡等官一面
嚴督各該將領趁今秋防之期選差乖覺通夜時加
哨探無警操練軍馬有謬相機戰守一面督行守巡
兵備各道照依所管地方嚴行府州縣衛所掌印巡
捕官但有城池處所即將歇班民壯射擊軍餘各整
搠派定分城防守於內再挑伶俐中用之人專在總
副衙門兵備各道探聽但遇有緊急飛報本管掌印
巡捕等官督令軍壯固守城池仍傳示墩堡至居民人

等一體收保不許專靠將官坐視殘害違有守巡兵
備知府以上督撫官會同察究府佐州縣用所官督
撫官徑以軍法拿問一面嚴諭各該將領人等後地方
重大失事應該察提者先送按察司拘禁以
旨問理如敢私自逃回從重併究一面聽萬恭
前失事各將逐一查明要見某人已經提
人提問未到徑自回奏以憑稽考嘉靖四
月二十九日題奉

聖旨是這所奏著各該總督鎮巡等官協心從
覆巡撫鳳陽侍郎王廷請定會哨三沙
行欽此

題爲申明防海信地以便遵守以禦虜患事職方清吏
司案呈奉本部送兵科抄出總督漕運兼提督軍務
巡撫鳳陽等處地方戶部右侍郎兼都察院右僉都
御史王廷題奉

聖旨兵部知道欽此欽遵抄出送司卷查先爲陳愚見議
處江南兵食以飭重計事該巡按直隸監察御史溫
如璋題該本部議擬覆奉

依已經通行欽遵去後今該前因查呈到部看得巡撫
鳳陽戶部侍郎王廷具題前因大率謂江南江北各
有信地正當會哨於三沙不當會勦於三沙蓋會哨

可行者風濤雖遠兵船易辦可以明我之耳目會勦
難行者風濤隔遠兵船難辦先當守我之腹心其理
甚明其詞甚正相應通行議擬合候

命下移咨應天鳳陽巡撫衙門查照先今題定事理嚴督
所屬將領每遇風汛之月多方防禦毋致疎虞其褚
家一沙沙南沙北照舊分防崇明一帶或春或秋照
舊會哨如果賊氛重大逼近留都江南江北巡撫并
操江都御史交相援應其餘小警不必會勦各守信
地永爲遵守嘉靖四十四年六月二十九日題奉

聖旨欽此

覆陝西總督都御史郭乾等甘肅鎮獻捷疏

題爲大虜侵犯官軍奮勇追擊大致克捷事職方清吏司案呈奉本部送兵科抄出總督陝西三邊軍務都察院右都御史兼兵部右侍郎郭乾巡撫甘肅等處地方都察院右僉都御史戴才題俱奉

聖旨兵部知道欽此通抄送司案呈到部看得總督陝西三邊軍務右都御史郭乾巡撫甘肅右僉都御史戴才各題稱本年四月內提調各該將領統兵於舊四墩沙窩及抹山等處與賊對敵斬獲首級九十六顆奪獲達馬駝騾八十三匹隻頭夷器一千四百六十

頂件副枝及前月斬首二十八顆在郭乾則稱戴才
運籌伐謀致茲克捷甘州副總兵劉承業鎮番叅將
楊真甘肅遊擊劉需原任遊擊胡璉肅州叅將白允
中同獲功級俱可嘉尚乞要分別甄錄各一節爲照
甘肅地方三面臨夷中通一線之路甚爲孤懸近日
套虜住牧莊涼山後不時侵軼更屬多事總督巡撫
等官乃能督調官兵分行鵬勦斬首多至一百二十
四顆有奇內仲捷伐之威外挫桀驁之氣一时效勞
諸臣均可嘉尚係干激勸相應通行議擬合候

命下戴才劉承業先行重加賞賚楊真劉需胡璉白允中

量加賞賚一面移咨都察院轉行巡按御史通將前
項有功文武官員逐一查議要見某官已賞仍該陞
錄某官止該陞錄某官止該賞賚某官應贖某官應
叙并獲功陣亡中傷員役與哨實夜丁作速覈實一
併具奏差來奏捷人役候功次勘明之日照依近奉
明旨另行議錄及照總督軍務右都御史郭乾先以陝西
巡撫初督三邊軍務後以本部侍郎再督三邊軍務
數年之間勤勞備至即如近日延綏鎮則一成一百
三十四顆之捷寧夏鎮則再成七十一顆之捷甘肅
鎮則三成一百二十四顆之捷通計三捷共得虜首

三百二十九顆發蹤指示之功殊難輕泯稍候巡按勘明之日并議陞陟以示優異嘉靖四十四年七月初三日題奉

聖旨是戴才劉承業各先賞銀二十兩紵絲二表裡楊真等各十兩一表裡郭乾三鎮功次候勘明一併奏請加恩欽此

覆巡撫福建都御史汪道昆奏福寧倭倭捷音疏題爲仰仗 玄威調度分部官兵剿滅各起倭賊類報捷音事職方清吏司案呈奉本司送兵科抄出提督軍務無巡撫福建地方都察院右僉都御史汪道昆

題奉

聖旨兵部知道欽此抄出送司案呈到部看得巡撫福建
都御史汪道昆題稱本年四等月內倭舡十餘隻駕
至福寧州地方叅將李超烽火門把總魏宗瀚各督
兵夾勦前後擒斬共計二百一十一名顆并擒獲原
犯永寧倭級一百三名顆即今搜捕殆盡境內俱已
無虞各一節爲照前項倭奴原自浙江江南江北迤
邐而來所至之處俱被我兵奮勇勦殺其勢不得不
至福建總兵官戚繼光巡撫都御史汪道昆乃能鼓
倡官軍或勦於永寧或勦於福寧斬獲之功多至三

百有奇允可嘉尚係干激勸相應通行議擬合候
命下將戚繼光汪道昆先行厚加賞賚李超魏宗瀚同加
賞賚一面移咨都察院轉行福建巡按御史仍行勘
叙其餘有功有罪人員一併覈實具奏嘉靖四十四
年七月初三日題奉

聖旨是戚繼光汪道昆各賞銀二十兩紵絲二表裡李超
魏宗瀚各十五兩一表裡欽此

清查畿內牧馬草場以充京營訓練將官養廉疏
題爲清查存留牧馬草場事車駕清吏司案呈奉本部
送准總督京營戎政太子太保鎮遠侯顧容等奉本

到部送司案呈到部看得京營牧馬草場先年開設
俱在近京州縣東則薊州霸州三河固安香河等處
西則定興安肅新城新安雄縣等處通計一萬一千
七百四十八頃有奇中間雖有召人佃種之數僅及
三分之一其餘地土仍各存留牧馬自嘉靖二十九
年以來虜警日殷春防秋防時無暇休牧馬之事官
既未遑舉行牧馬之田民遂因而占種若不及時清
查歲月益深愈難稽考况京營與薊鎮將領原無養
庶之資寒苦特甚若將前地暫改徵租分給諸將是
爲一舉兩得既經該營造冊前來相應議擬合候

命下移咨都察院轉行管理屯田御史王廷瞻會同總督
侍郎劉黶巡撫都御史溫景葵督同兵備副使等官
黃中羅瑤沈應時張守中宋儀望各照所屬地方選
委廉幹文武職官分投查勘要見其州縣該營原地
若干已經徵租若干未經徵租若干未經徵租內堪
以耕種者實有若干見今某人等承種自嘉靖四十
五年爲始每畝照例徵銀三分以前花利姑免追補
如敢倚稱權要不行吐退或假寫文契希圖混賴應
拏問者徑自拏問應參奏者指名參奏所得租銀每
年總有若干容臣等通融酌量分給京營劄鎮二處

以爲過利水之費稍候廣寧平寧照舊出場牧馬
如有水衝沙壓或鹺薄不堪者亦要逐一開造明白
文書到日通限兩箇月以裏一併造冊奏繳青冊送
部查考嘉靖四十四年七月初九日題奉

聖旨是欽此

覆宣大總督尚書江東等會議乃河等堡建置疏
題爲查議脩復久廢邊防以永保安事職方清吏司
案呈奉本部送兵科抄出總督宣天山西等處地方
軍務兼理糧餉太子太保兵部尚書兼都察院左副
都御史江東巡撫大同地方督理軍務都察院右僉

都御史張邦彥提督鴈門等關兼巡撫山西地方兵部左侍郎兼都察院右僉都御史萬恭題俱奉

聖旨兵部知道欽此欽遵通抄送司卷查先爲前事該巡撫山西左侍郎萬恭題本部議行總督江東巡撫張邦彥會同萬恭各委司道親詣適中處所將乃河左右舊有墩堡逐一踏勘隔別道里逐一丈量要見某處宜脩築邊牆某處宜脩築墩堡某墩用軍若干某軍應該何處備禦班軍應否撥用折糧銀兩應否借支該衛屯田應否給軍承種該徵租稅應否照軍派納逐一從長議處務使經久可行以盡協恭體

國之意文書到日限六月初旬具由回奏不得各生意見自分彼此致悞防邊大計覆奉

欽依通行欽遵去後今該前因查呈到部看得大同山西督撫官尚書江東等各具題勘議過二鎮平虜城老營堡適中之地相應脩復乃河賈家圪坨顧家店民堡三處接火墩臺一十八座并議展班價撥補軍上等項事宜俱已詳盡但惟頭緒繁多誠恐不便

聖覽謹用摘其要領各立前件議擬上請恭候

命下之日移咨尚書江東侍郎萬恭都御史張邦彥嚴督所飭副總兵孫吳參將高卿各照擬定地方分定工

程會定事理逐一從實舉行事完之日二巡撫具由
回奏仍聽巡按御史覈實造冊奏繳青冊送部查考
其會哨虜情聽二鎮鎮巡官徑自稽查互相傳報務
期彼此共爲耳目以嚴先事之備嘉靖四十四年七
月十二日題奉

聖旨依擬行欽此

一議工程大略謂乃河極衝賈家圪坨次衝顧家店
稍緩欲移乃河顧家店於平曠川地堡增闊大移賈
家圪坨於山梁處所堡量稍減再於三堡適中添築
接火墩臺一十二座計處停妥無容別議合無悉如

所擬分行副總兵孫吳參將高卿各照地方副總兵
白鴨子坪墩起工參將自荷葉墩起工不必拘定月
分但遇虜警稍緩人力方便風雨不侵天時順利之
時相機舉行不宜急遽不宜草略各堡原議角墩二
座再加二座各堡外各再加護堡斜墩四座壕底闊
一丈壕面闊二丈仍設欄馬小牆一道照依本部近
日咨去式樣一同脩築其各墩名目各照原有地名
以另改

一議分隸大率謂乃河顧家店軍餘俱係朔州平虜
二衛應屬大同西路參將管轄賈家圪坨乃河迤西

地方改屬老營堡總兵管轄體國經野可謂適中
合無悉如所擬行令孫吳高卿管理施行

一議錢糧大略謂扣留嘉靖四十四年山西班價支
用已盡欲要再扣四十五年班銀以資供用事在可
行合無依其所擬備行山西巡撫衙門照例扣解其
四十六年以後軍人仍舊上班乃河賈家圪坨二處
堡大費多准用銀三千兩顧家店堡少費省准用銀
六百兩倘有不敷臨期酌量添加但本部今議加角
墩六座斜角墩一十二座之費聽二巡撫官一面區
處一面咨部知會

一議兵戍大略於賈家圪堆募軍五百乃河堡於

朔州衛井坪所募軍五百各給安家銀三兩乃河賈

家圪堆二堡各設操守官一員脩設衙門令其住止

顧家店於附近一種之人填實給銀二兩並議三處

敵臺筑城木料等費再該銀九百兩俱已停妥合悉

如擬施行巡撫衙門仍將選委過操守官職名咨部

查考顧家店附近居民原無月糧乃河軍糧應隨衛

所關領賈家圪堆軍糧布花銀兩准於班價內支給

就附寄兵項下永爲遵守其火墩應撥哨守軍五名

并二堡合用傳習馬匹未見議及聽督撫官徑自查

明谷部計處

一議勾考大略以脩築工程軍人糧餉合用班價銀兩著落副總兵亦吳叅將高卿出入支給仍委該道文職無同查理以謂精覈之極合無依其所擬備行大同山西巡撫衙門各委該道官分督稽查事完造冊呈報軍門查考

一地糧徵派大略謂朔州各衛所屯田地久拋荒錢糧拖欠欲要於口河賈家圪坨兩處軍人住居已定開墾成熟方行起科徵納委得安新集闢草萊之意合無依其所擬實令該保軍人儘力開耕果能成熟

糧草仍行蠲免五年以後方許收糧該衛軍人不得
即行告推糧稅逼令逃竄

覆宣天總督尚書江東等分布兵馬申嚴軍法疏
題爲分布防秋兵馬事職方清吏司案呈奉本部送兵
科抄出總督宣天山西等處地方軍務兼理糧餉太
子太保兵部尚書兼都察院左副都御史江東題奉
聖旨兵部知道欽此又據鎮朔將軍鎮守宣府總兵官左
軍都督府左都督馬芳呈爲怯懦將官避難懷奸不
行進兵乞賜究治以戒將來事等因通送到司案呈
到部看得宣天山西三鎮地方邊境蜒長醜虜蟻聚

防秋事體較之別鎮尤當嚴慎所據總督尚書江東具題前因兵馬分布雖與往年相同將領責成則與往年迥異在一鎮則正兵之防守奇兵之援截主帥之調度既已綱舉目張在三鎮則本鎮之屯駐隣境之應援薊鎮之訓遣又復條分縷析哨探一事專委三鎮總兵尤得領要係于邊計相應通行議擬合候命下備行江東嚴行鎮巡等官馬芳姜應熊董一奎李秋張邦彥萬恭查照所擬一面遵行一面回奏副總兵張世俊而下各將遵行過緣由呈部查考及照軍法以極嚴爲主軍令以必行爲尚仰惟

望恩優渥真同雨露諸將但有微功悉從優賞至于退
逗遛之罪或勘議遲延於前或未減脫免於後遂使
懷奸之徒相率觀望若止令其解任反中推避之奸
即如宣府總兵官馬芳所呈副總兵崔應奇遊擊盧
國讓是其尤也尚書江東今欲嚴飭當事諸臣同心
叶力意非不美未免仍成文具必須懲一戒百風示
諸邊以昭鼓倡伏望

皇上勅下江東先將崔應奇盧國讓挈至軍門各以軍法
從重懲治仍取重辟招由姑令住俸戴罪防秋有功
准贖無功一併究問本部仍通行南北總督一體振

飭不得專事姑息庶幾兵威可揚人心知敬區區倭虜自當有殄滅之期矣嘉靖四十四年七月十三日題奉

聖旨是崔應奇盧國讓既懷奸避難著江東以軍法從重懲治仍取重辟招由候防秋畢日奏請欽此

覆宣大總督尚書江東等嚴究失機將官疏題爲虜賊非時入犯將領不能攻戰乞

賜究治以嚴邊防事職方清吏司案呈奉本部送兵科抄出總督宣大山西等處地方軍務無理糧餉太孛太保兵部尚書兼都察院左副都御史江東題奉

聖旨兵部看了來說欽此又該巡按直隸監察御史胡維
新揭帖到部通送到司卷查近據鎮守宣府總兵官
馬芳呈該本部議將副總兵崔應奇遊擊盧國讓先
行罕至軍門各以軍法從重懲治仍取重辟招由姑
令住俸戴罪防秋有功准贖無功一併究問奉有

明旨通行欽遵外今該前因四查呈到部看得總督宣大山
西軍務尚書江東題必宣府副總兵崔應奇遊擊盧
國讓大同遊擊張鑑副總兵擁虎旅未奮熱擊總兵
官馬芳姜應熊行令悉心協力整飭武備遊擊補於
漢免究及該巡按御史胡維新揭稱相同又稱江東

與宣府巡撫都御史李秋大同巡撫張邦彥失事難
諉罪責當加各一節臣等反覆其事數千虜騎勢非
虎視本有可戰之機兩鎮邊兵跡異烏合全無敢戰
之意不止裨將逗遛退縮其在主將或偶因河漲藉
口遏虜之南或適遇修工駕言逐虜之北盡屬虛文
何關實用國典所在以當重懲秋防在即似應酌
議除崔應奇盧國讓奉

旨處分外合候

命下將張鑑劉淳聽江東等王軍門各以軍法分別懲治
仍取重辟招由令其戴罪防秋有功准贖無功一體

究治馬芳姜應熊重加降罰李秋張邦彥重加罰治
江東督兵親至楊家堡比之坐視不理者有間似應
與補於漢姑免究治但 恩威出自

朝廷嘉靖四十四年七月二十一日題奉

聖旨是張鑑劉淳照崔應奇等例行今次沿邊城堡既無
損失江東著策勵供職馬芳姜應熊李秋張邦彥各著
戴罪防秋候事畢你部裏分別奏請補於漢免究欽此
請究薊鎮箭桿嶺屬夷殺掠人口疏

題爲邊方誤事雖小關係爲重乞 賜查究以肅秋防
事職方清吏司案呈奉本部送准總督薊遼保定等

處軍務兼理糧餉兵部右侍郎兼都察院右僉都御史劉憲整飭荊州等處邊備兼巡撫順天等府地方都察院右僉都御史溫景葵巡按直隸監察御史孫丕揚巡按直隸監察御史梅惟和揭帖俱爲屬夷乘夜殺掠人口事等因到部通送到司爲照前項虜賊戕擄之數雖止數人適當防秋之時顯是各官全不戒備呈乞重加究治以肅邊防仍乞將脩守事宜嚴行督撫等官作速整頓以保萬全案呈到部看得荊鎮各區比年以來經營脩繕頗稱周密乃今二三零虜偶乘昏夜于箭捍嶺極險之處扒越而入若使各

該官軍防守謹嚴何至有此疎失况係巡撫都御史
溫景葵所分信地誤事之罪比之總督總兵尤爲不
同即今八月正值大虜垂涎之際既經該司具呈前
來委當從重究處除百戶常維禎先已自盡難以別
議修守事宜嚴行督撫衙門與爲查處外合候

仰下將叅將王治道遊擊柴芝聽總督劉燾提至軍門重
加戒飭住支俸糧戴罪防秋王統擎至軍門先以軍
法懲治仍各取誤事招由百戶俞景龍勒限緝拏一
體處置通候防秋畢日分別功罪具奏定奪巡撫溫
景葵量加罰治副使沈應乾重加罰治總督劉燾總

兵胡鎮姑免罰治各要仰體

聖皇宵旰之懷申飭十路將領不止晝防其夜防尤爲喫緊不止平坦之處當防其險阨之處尤恐疎漏伐虜之謀折虜之氣方爲上策一面差人前去虜營審究作反者是何部落令其獻出以正法典如敢抗違隱蔽定行發兵勦殺或革其入貢或絕其討賞不宜再示姑息以傷國體嘉靖四十四年八月初二日題奉

聖旨是王治道柴芝王統依擬行俞景龍著勒限緝拏務在得獲劉燾胡鎮姑免究溫景葵罰俸二箇月沈應乾

三箇月都著戴罪防秋候事畢之日你部裏分別奏請
欽此

覆提督兩廣侍郎吳桂芳等請速行土官賞罰疏
題爲懇乞

天恩摘行土官賞罰以便地方緊急調遣事職方清吏司
案呈奉本部送兵科抄出提督兩廣軍務兼理巡撫
兵部右侍郎兼都察院右僉都御史吳桂芳題奉

聖旨兵部看了來說欽此欽遵抄出送司卷查先該本官
題爲倭寇蕩滅地方平寧飛報捷音查覈功罪以彰
勸懲以勵人心事內稱田州土官知州岑大祿向武

州土官知州黃仲金官孫黃瑾領奉議州兵向武州
土官男黃允疇上林縣土官男黃廷綸下雷峒峒長
許國仁暫給冠帶男許宗隆父安封土策勵從征功
爲可錄相應從厚將賞內岑大祿兵無虛數功亦獨
多相應諭令再立戰功特請加給服色下雷峒峒長
許國仁男許宗蔭父子董師哲死不辭據告欲改屬
南寧府流官衙門統轄加辦糧馬免屬鎮安府土轄
以便出兵聽調相應准理以責後效已經咨行都察
院轉行彼處巡按御史勘議未報今該前因案呈到
部看得提督兩廣軍務兵部右侍郎吳桂芳題稱田

州土官知州岑大祿向武州土官知州黃仲金官孫
黃瑾領奉議州兵向武州土官男黃九疇上林縣土
官男黃廷綸下雷峒峒長許國仁暫給冠帶男許宗
善奉調有功應從分別賞叙東關州土官知州韋應
龍歸順州土官男岑嘉那地州著土官知州羅忠輔
奉調不至應從准贖戒革仍乞者爲定例以後經調
土官目兵別爲一疏各一節爲照漢官土官均係

朝廷臣子承調宣力乃其職分之常但漢官例有陞廢
必須覈實以昭賞當其功之義土官止於獎賞委當
速處以見賞不踰時之恩所據田州土官知州岑大

祿等功罪既諒提督侍郎吳桂芳甄別前來相應通行依擬合候

命下將岑大祿重加賞賚黃仲金黃鍾黃九疇黃廷綸許國仁許宗蔭同加賞賚內岑大祿候再有戰功另加服色以示優異韋應龍岑嘉瑞忠輔准贖前罪仍移咨吳桂芳提取到官各行戒處一面作一簡明文移備行各該上官務要仰戴

朝廷威德凡遇征調遵照原取數目原定限期揀選精壯上兵督率前來以備征勦如敢故違不行趨赴或將不堪之兵充數塞責輕則聽吳桂芳等舉至軍門

以軍法處治重則照依征調違期律例叅奏擬罪以
後土官有功提督官另本具題以憑即行議覆但

恩歲出自 朝廷嘉靖四十四年八月初四日題奉

聖旨是岑大祿賞銀二十兩紵絲二表裏候再有戰功奏
請加恩黃仲金等各十五兩一表裡韋應龍等若吳桂
芳行提戒處具奏欽此

覆宣天巡按御史胡維新傳報虜情通行隄備疏
題爲零賊不時侵犯太虜復屢違境懇乞

聖明嚴諭邊臣運謀逐勦事職方清吏司案呈奉本部送
兵科抄出巡按直隸監察御史胡維新題奉

聖旨兵部知道欽此欽遵抄出送司卷查先談總督尚書
江東等揭報前事已經通行隄備去後今談前因案
呈到部看得前項虜警在宣府者止於揉田在大同
者已見攻墩秋高月朗雖其入犯之時決策審圖當
爲外逐之計除宣府揉田者昨已出境無容別議外
所據大同之警恐不止垂涎應州一川轉而之東可
以侵軼洪蔚諸城轉而之西可以突犯山西一鎮轉
而之南可以窺伺紫荆諸關相應通行嚴備合候
命下本部馬上差人齎文交與總督尚書江東督同大同
鎮巡官再查此虜如果止在沿邊攻墩分遣精兵晝

夜撓之令其早爲出邊如犯應州山西宣府督同該
鎮鎮巡官相機戰守務要計出萬全戰成三捷不許
仍襲舊套迎虜而入送虜而出重貽邊患本部一面
備行保定巡撫張師載總兵官尹秉衡即將紫荊倒
馬馬水浮圖峪白石口等處逐一分兵擺守以示倚
角之勢多差的當人役出關遠哨以明耳目仍不時
報部以憑轉行總督劉素酌量策應查鐫四十四年
八月十六日題奉

聖旨是欽此

覆巡撫山西侍郎萬恭請遵擺邊兵馬節餉疏

題爲分布防秋兵馬事職方清吏司案呈奉本部送兵
科抄出提督鴈門等關兼巡撫山西地方兵部左侍
郎兼都察院右僉都御史萬恭題奉

聖旨兵部知道欽此抄出送司案呈到部看得巡撫山西
左侍郎萬恭具題前因大率謂談鎮防秋兵馬俱已
分布停當及稱本鎮往年擺邊始於六月撤邊終於
九月今秋虜情尚早不敢空費約於八月初一日赴
邊可省行糧八萬餘兩以備十月緊急及作來秋客
兵支用仍乞永爲定例一節爲照各鎮防秋事體料
敵爲上節餉次之今歲侍郎萬恭乃能參酌虜情將

擺邊兵馬易於八月初旬在官軍既省入戍之勞在糧料足備方來之用一時壯猷極可嘉尚但兵貴租機似難遂爲定例係干邊務相應通行酌議合候命下移咨萬茶將所省擺邊兵馬六月七月錢糧八萬餘兩准作今歲冬月之用如果哨無警報留作來歲秋冬之用悉如所擬施行以後擺邊不必拘泥月分但以虜情急緩爲序如虜報扎棘雖早一月二月上邊虜情實緩雖遲一月二月下邊俱無不可惟在動中機宜務保萬全嘉靖四十四年八月二十一日題奉聖旨是欽此

覆劄遼總督侍郎劉燾酌議行邊疏

題爲懇乞 聖明立催文武重臣各行邊塞以嚴秋防
事職方清吏司案呈奉本部送兵科抄出二總督劄遼
保定等處軍務無理糧餉兵部右侍郎兼都察院右
僉都御史劉燾題奉

聖旨兵部看了來說欽此抄出送司案呈到部看得劄鎮
地方每年防秋防春總督鎮巡同駐密雲唐中調度
乃嘉靖二十九年以後總督何棟之舊舉總督鎮巡
分駐各路畫地脩守乃嘉靖四十二年以後總督劉
燾之新議果無大謬如劉燾之議各有重責脩守有

功者賞之防守無狀者罪之近日燕河之失罰治止於巡撫而不及督鎮者是也果有太監如何棟之議廣集衆思提其綱者陞之理其目者當乏先年古止之捷陞廕先及總督鎮巡而後及副叅遊者是也二者交相爲用原非相悖先該巡按御史孫丕揚題催文武重臣并邊巡歷乃就劉燾新議而推廣之但密雲雖稱鎮城原係極邊以故臣等覆議不云高坐鎮城止云高坐內地蓋以通州薊州永平等處則爲內地以見密雲非內地耳事體分析已屬甚明既該總督侍郎劉燾復題前來相應亟行議擬合候

命下備行劉燾并巡撫都御史溫景葵總兵官胡鎮劉漢
以後春秋兩防仍照劉燾新議分防脩守劉燾不時
巡行古北三防以振軍威巡後仍回塞雲如遇大舉
總督鎮巡會集一處同心戮力以靖地方不許膠柱
鼓瑟重悞邊計其下邊之期雖定以四月九月若使
有警春直至五月秋直至十月自難惜費全在總督
臨時酌量臣等不相遙制嘉靖四十四年八月二十
一二日題奉

聖旨是欽此

楊襄毅公本兵疏議卷十六終